

## 4 | AVALIACIÓN PREVIA DA ESTRATEXIA DO PEG 2010-2014

### 4.1. FORMULACIÓN DA ESTRATEXIA

Na formulación da estratexia do plan seguiuse unha estrutura metodolóxica baseada na elaboración dunha árbore de eixes e obxectivos, articulada en tres niveis, obxectivo global/eixes de actuación/obxectivos estratéxicos.

Como se amosa a continuación, o plan establece un obxectivo global sobre o que inciden xerarquicamente 5 eixes e 16 obxectivos estratéxicos. Estes obxectivos estratéxicos constitúen o punto de partida para a avaliación da coherencia interna e externa da estratexia de Galicia para o período 2010-2014 e reflectida no plan.

A estratexia está expresada de forma avaliable e comprensible. Cada un dos obxectivos estratéxicos está relacionado directamente cun eixe, a pesar de que, indirectamente, a relación é múltiple.

O obxectivo global do plan estratéxico reside no *“Crecemento sustentable e creación*

*de emprego e aumentar a cohesión social e o equilibrio territorial”* polo que será necesario, co fin de impulsar o desenvolvemento económico da rexión, traballar en favor dunha correcta implantación das medidas e actuacións previstas no período 2010-2014, así como establecer as sinerxías necesarias cos plans e programas europeos e rexionais.

Para a consecución deste obxectivo global, a Comunidade Autónoma de Galicia propónse 5 eixes, que inciden na política para o crecemento e o emprego sustentable cara ao 2020, reforzar o potencial endógeno do territorio. Estes eixes complementáanse entre si e inciden nos factores produtivos que impulsan o desenvolvemento económico: o capital humano, o capital físico e o coñecemento, dende a perspectiva da protección ambiental e do equilibrio territorial.

Ademais destes eixes, Galicia establece 16 obxectivos estratéxicos que responden ao

reto de acelerar a saída da crise económica, e arredor dos que se articularán as diferentes actuacións que se porán en marcha.

**ÁRBORE DE EIXES E OBXECTIVOS ESTRATÉGICOS DO PLAN ESTRATÉGICO GALICIA 2010-2014**

<b>Obxectivo global:</b> crecemento sostible e creación de emprego e aumentar a cohesión social e o equilibrio territorial		
	<b>Obxectivos estratéxicos</b>	
<b>EIXE 1:</b> COHESIÓN SOCIAL, BENESTAR E CALIDADE DEVIDA	1.1	Revitalización demográfica, impulsar os nacementos e fomentar a conciliación da vida familiar e laboral
	1.2	Garantir unha prestación sanitaria pública e de calidade para todos os galegos e galegas
	1.3	Garantir o acceso á educación e á cultura en condicións de igualdade no marco dun ensino de calidade para unha Galicia formada, innovadora e trilingüe
	1.4	Atención ao benestar social
	1.5	Impulsar a igualdade de oportunidades, a inclusión social e a mellora dos servizos sociais
<b>EIXE 2:</b> DINAMIZACIÓN ECONÓMICA, CRECIMENTO E EMPREGO	2.1	Facilitar a mobilidade das persoas e o acceso aos mercados, aumentar a accesibilidade do territorio e mellorar as redes de transporte e a seguridade viaria
	2.2	Internacionalizar a economía galega e fomentar o investimento empresarial o espírito emprendedor e a innovación nas empresas
	2.3	Potenciar a competitividade dos sectores estratéxicos mediante a política de clústers e o fomento da innovación e cooperación empresarial
	2.4	Acadar emprego de calidade mediante a cualificación dos traballadores e a mellora das condicións de empregabilidade a través do fomento das políticas activas e preventivas no mercado laboral galego

<b>Obxectivo global:</b> crecemento sostible e creación de emprego e aumentar a cohesión social e o equilibrio territorial		
<b>EIXE 3:</b> ECONOMÍA DO COÑECEMENTO	3.1	Construír unha sociedade competitiva e basearse na investigación e o desenvolvemento tecnolóxico e a innovación empresarial, como garantía de crecemento
	3.2	Modernizar e promover a aplicación e emprego xeral das TIC nos ámbitos produtivos, social e dos servizos públicos
<b>EIXE 4:</b> SUSTENTABILIDADE AMBIENTAL E EQUILIBRIO TERRITORIAL	4.1	Converter o contorno natural nun factor positivo para o desenvolvemento de Galicia e unha mellora da calidade de vida
	4.2	Desenvolvemento equilibrado e sustentable do territorio, eliminar as disparidades territoriais e integrar a Galicia como cidade única
	4.3	Eficiencia enerxética como fonte de riqueza e resposta aos desafíos do cambio climático
<b>EIXE 5:</b> ADMINISTRACIÓN AUSTERA, EFICIENTE E PRÓXIMA AO CIDADÁN	5.1	Acadar unha Administración moderna e próxima, optimizar os recursos materiais e humanos mediante a implantación de novos sistemas e procedementos de xestión e xeneralizar o emprego das TIC en todos os seus ámbitos de actuación
	5.2	Reforzo da capacidade institucional e financeira de Galicia

Todos os obxectivos estratéxicos están relacionados entre si de forma directa cun dos eixes, a pesar de que algúns deles tamén o están con algún dos outros catro, aínda que non de forma tan directa. A continuación relaciónanse no seu grao máis alto os eixes cos obxectivos estratéxicos:

- O Eixe 1, “Cohesión social, benestar e calidade de vida”, descomponse en cinco dos 16 obxectivos intermedios (1.1, 1.2, 1.3, 1.4 e 1.5).
- O Eixe 2, “Dinamización económica, crecemento e emprego”, “está relacionado en grao alto cos obxectivos estratéxicos 2.1, 2.2, 2.3 e 2.4.
- Os obxectivos estratéxicos 3.1 e 3.2 inscríbense no marco do Eixe 3 “Economía do coñecemento”.
- Os obxectivos estratéxicos 4.1, 4.2 e 4.3 teñen una relación directa co Eixe 4 “Sustentabilidade ambiental e equilibrio territorial”
- Por último, do Eixe 5 “Administración auster, eficiente e próxima ao cidadán”, derívanse 2 dos obxectivos estratéxicos (5.1 e 5.2).

A correspondencia entre eles ilústrase no plan en forma de árbore de eixes e obxectivos, na que se reflicte a influencia dos diferentes obxectivos estratéxicos sobre os eixes de actuación, de xeito que de cada un dos eixes dependen aqueles obxectivos estratéxicos relacionados de forma máis directa e específica con eles.

Se se analiza a vinculación entre os eixes e os obxectivos estratéxicos do plan estratéxico e se clasifica o grao de correlación entre eles, de incidencia alta, media ou baixa, obsérvase que o Eixe 1 presenta cinco correlacións, e a relación co OE 1.2 (garantir unha prestación sanitaria pública e de calidade para todos os galegos e galegas) é a máis destacada.

No Eixe 2, a correlación máis alta correspóndese co OE 2.3 (Potenciar a competitividade dos sectores estratéxicos mediante a política de clústers e o fomento da innovación e cooperación empresarial).

O OE 3.2 (Modernizar e promover a aplicación e emprego xeral das TIC nos ámbitos produtivos, social e dos servizos públicos) presenta a correlación máis alta co Eixe 3.

O Eixe 4, con tres correlacións, ten no OE 4.2 (Desenvolvemento equilibrado e sustentable do territorio, eliminar as disparidades territoriais e integrar a Galicia como cidade única) o que presenta a máis alta correlación.

E finalmente o Eixe 5, con dúas correlacións, presenta no OE 5.1 (Acadar unha Administración moderna e próxima, optimizando os recursos materiais e humanos mediante a implementación de novos sistemas e procedementos de xestión e xeneralizando o emprego das TIC en todos os seus ámbitos de actuación) a máis destacada.

**GRAO DE INCIDENCIA ENTRE EXES E OBXECTIVOS ESTRATÉXICOS DO PEG 2010-2014**

EIXES	OBXECTIVOS ESTRATÉXICOS															
	OE 1.1	OE 1.2	OE 1.3	OE 1.4	OE 1.5	OE 2.1	OE 2.2	OE 2.3	OE 2.4	OE 3.1	OE 3.2	OE 4.1	OE 4.2	OE 4.3	OE 5.1	OE 5.2
EIXE 1: Cohesión social, benestar e calidade de vida	X	XXX	XX	X	X											
EIXE 2: Dinamización económica, crecemento e emprego						XX	X	XXX	XX							
EIXE 3: Economía do coñecemento										XX	XXX					
EIXE 4: Sustentabilidade ambiental e equilibrio territorial												XX	XXX	X		
EIXE 5: Administración austera, eficiente e próxima ao cidadán															XX	X

XXX	Incidenca alta
XX	Incidenca media
X	Incidenca baixa